

被信重，上有所問，不希指苟合，如或不從，不敢犯顏，凡典樞機十有餘年，靡有愆失，昔日庶人他戶爲皇太子時，桀躒之性好，害名流，有一惡馬，馭必蹉嚙，太子令內麻呂乘，快見傷損，惡馬低頭不動，被鞭廻旋，時人以爲非常之器。

〔續日本後紀仁五〕承和三年四月丙戌，散位從四位下甘南備真人高直卒。○中天長三年，除常陸守，遭

訪探使緣前司犯，被停釐務，吏民感其德化，競遺資用，嵯峨太上天皇復垂眷憐，使以莊家物任其所用。

〔文德實錄三〕仁壽元年二月丁卯，正三位藤原朝臣貞子出家爲尼，貞子者先皇明仁之女御，風姿魁麗，言必典禮，宮掖之內仰其德行，先皇重之，寵數殊絕，雖有內愛，必加外敬。九月乙未，散位從四位下藤原朝臣岳守卒，岳守者從四位下三成之長子也，天性寬和，士無賢不肖，傾心引接。○中嘉祥元年，出爲近江守，人民老少俱皆仰慕。

〔文德實錄六〕齊衡元年十月庚申，正五位下備前守藤原朝臣大津卒。○中天長三年，叙從五位下，爲備後守，頗有聲譽，民庶歌思。○思原作思，據一本改。

〔文德實錄九〕天安元年十二月戊子，散位從四位上清原真人有雄卒。○中有雄，頗有風操，尤習政理。○中十一年○天爲攝津守，政有聲譽，黎庶悅服，國內安靜，倉廩盈溢。○中仁壽四年，叙從四位上卒，百姓老少哀慕罔極。

〔藤原保則傳〕公在備前，德化仁政，一如在備中時，凡厥僚下，若有奸賊者，曾無所發明其咎，即竊於間處相語云：君久疲學官，初得此官，必當立其廉節，勉取榮譽，豈可思滯一州小吏乎？然而上資父母之供養，下給妻子之飢寒，撓性屈心，受此濁穢，斯皆貧窶之憂，羈累善人，僕有薄俸，冀隨君所用，以資給之，勿犯官物而已，即分賜其俸，不限多少，於是恥格之化，如風靡草，吏民畏愛，號曰父母。○中十七年○貞秋，解歸京，兩備之民，悲號遮路，里老村媪，頭戴白髮者，各捧酒肴，拜伏道邊，公謂老人之心，不可違失，爲之留連數日，相次競到，不可遏止。○下